

灌志文徵卷十二

七言律詩下

贈馬祖寺欲仁上人

牛兆鼎

獨訪靈巖一錫飛，天涯此際識清輝，江山秀氣歸詩稿，南北閒雲滿
衲衣，寸楮墨融仙露濕，雙林坐辨野禪非，嗟予未得消塵慮，來此
皈依法界微，

登建福樓

陳桂林

雨後青天帶水痕，倚欄俯視大江奔，山連秦隴遙分界，人雜華夷盡
入門，萬竈飛煙浮翠靄，一樓殘日送黃昏，城邊點點牛羊小，樹色
蒼茫抱遠村，

鬪雞臺

陳桂林

灌志文徵

卷十二 七言詩下

荒城秋草枕高臺，江上浮雲黯不開，一片雨聲山外去，萬重寒色日
邊來，何時鬪鴨成佳對，此夜聞雞有將才，惆悵歸心隨雁遠，不堪
烟寺暮鐘催，

晚歸自太平橋

陳桂林

野水縱橫夾岸奔，波間浴日湧金盆，雁聲遠結方圓陣，山色遙連上
下屯，拔地亂峯迴雨脚，挿天孤樹蕩雲根，絕憐繭紙秋空碧，新月
如眉畫一痕，

山王頂

陳桂林

四邊青翠蕩溟濛，天在微茫一氣中，嶺斷忽分山左右，峯高難辨路
西東，雲鋪滿地沉沉白，日蓋深林淡淡紅，怪得二峨飛不去，憑空
齊插玉屏風，



癸酉人日立春歸自縣中蕭杏村招飲却寄

陳桂林

遲遲日影轉空庭，門對遙山楚楚青，老欲別居歸尚緩，醉留殘夢睡初醒，立春正喜逢人日，賀歲遙聞聚客星，靜愛梅花香似蜜，閒吟時就竹邊亭，

同人飲鬪雞臺

陳桂林

百年風雨此高臺，杯酒登臨眼倦開，黨禍盡從吾輩出，將才多自賊中夾，時危欲脫囊中穎，世亂誰憐爨下材，極目江天雲樹晚，青山無數到城迴，

過羊子橋懷董丹墀及玉池心一昆季

陳桂林

眼前誰是舊居停，別久何堪此地經，春草自隨行客綠，晚山猶向酒人青，棋輸一着終成錯，藥試千方竟不靈，如此少年零落盡，爲君

灌志文徵

卷十二 七言律詩下

低首過郵亭，

青城山雜詩

陳桂林

日穿不到樹如麻，風過皆香草亦花，岩欲吞人奇似鬼，路隨飛鳥曲於蛇，青垂鴨脚枝生笋，黃屈兒拳蕨長芽，難得山深泉更潔，醉中同煮貢餘茶，

一峯高出一峯巔，高盡羣峯直上天，元氣混茫惟見水，晴光閃爍盡成煙，身輕便覺人如蛻，音細兼疑鳥亦仙，孤鶴向南雲外去，萬重嵐翠擁青蓮，

峭壁橫空架石橋，下方鐘磬入烟霄，苔深不雨山常濕，林靜無風暑自消，人去尙留三洞在，神尊宜受百靈朝，味江舊有唐賢宅，欲借詩瓢作酒瓢，

檢點豐碑說洞天，妄將尋尺計峯巔，山如奔馬從西下，水若游龍向
左旋，魔大伏憑三島石，茶香試遍六時泉，神仙都會猶餘事，知與
岷峨秀兩川，

賀羅鰲峯遷秩

十二首錄一覽峯
名勝魁詳選舉表

秦地頻年苦戰爭，紆民誰爲息戈兵，龔黃不信分今古，召杜何曾有
重輕，撫字心勞求善策，催科政拙慮紛更，天山早已將軍定，壯士
長歌且再賡，

靈巖寺

陳桂林

軟脚坡緣石級登，一梯一折百餘層，亂峯雲合惟留塔，古殿塵封但
見燈，龕冷恐無神佛住，洞深疑有鬼狐憑，烹茶汲得清冷水，靈竇
泉邊問病僧，

灌志文徵

卷十二 七言律詩下 三

題宋席珍家譜

羅世勳

神州華胃溯軒轅，派衍高辛種族繁，玄鳥有靈追簡狄，白駒隆禮報
湯孫，廣平相業輝唐室，明德宗支屬孔門，數典未能忘厥祖，歐蘇
史學賴君存，

灌城天后宮大樹經風雨劈分感而有作

羅世勳

古樹捎雲亦有年，毓鍾靈秀似磨堅，祥占碩果因流俗，用屈長材欲
問天，神物不存原氣數，世情多忌感危顛，始知喬木難垂蔭，我眇
江城意惘然，

遣懷冷岑春波韻

羅世勳

飄搖風雨孰扶顛，豎子成名信偶然，蒼狗白雲多變態，黃龍玄血未
休肩，卻除衽席鍼氈坐，遞積薪柴厝火眠，橫議尙騰簧鼓舌，沙蟲

民物任羣賢，

讀先君竹柏山房詩草如聞面命人事悠忽乃屆頽齡長負期望慨然

賦懷

羅世勛

竹柏山房手澤詩，即今諷誦有餘悲，如聞七十年前訓，永感千秋身後思，一帙韻言懷舊德，同符家乘作遺規，丁寧先業須長守，傳與兒孫此意知

謁李公祠

羅世勛

疏鑿猶能繼禹功，不需阡陌歲滋豐，漢追文獻傳良史，秦尙耕農有古風，巴蜀郡開千里沃，河渠書載二江通，子承父志蛟龍遠，肝鬢春秋報賽同，

表姪侯垂堂習醫操術活人足無停趾年逾八十尙能千里往還傾自

灌志文徵

卷十二 七言律詩下 四

川北歸將復遠遊忽然不豫竟逝予聞而驚作詩輓之

羅世勛

韓康隱德是前身，海上歸來技絕倫，遊興不妨千里遠，遐年贏得一腔春，燒丹竈裏煙霞滿，懸市壺中日月新，跨鶴便從瑤島去，功如良相感斯人，

送胡若川師解任

馬鯤

糺縷祥雲一道駢，烏鳧飛下息烽烟，宰官身見慈如佛，儒雅風流吏亦仙，心鏡朗懸青玉案，頭銜清到紫微天，江山補助留媧石，勝蹟應同六字傳，離堆崩去一角公補之

桂花香裏送行鞦，留別新詩繼繾酬，楊柳曉風殘月掛，蒹葭秋水逝波愁，自慚五熟侯芭酒，難報三冬白傅裘，爲道先生今去也，一肩

琴鶴路悠悠，

僑滇感遇

馬 鯤

兩雪機從積霰胎，雁鴻消息早飛來，雲浮蒼狗悲時局，運厄紅羊歎劫灰，蜃氣未應作城市，風聲先已誤蓬萊，孤芳獨抱寒梅骨，不是花時不肯開，

答王海南

楊 均

平生遇合大艱難，回首風塵發浩歎，有志且逢知己託，懷才莫令俗流看，功名擬獻三番璞，文字終成九轉丹，寄語故人同努力，不教吾輩老江干，

贈馬陸虞

楊 均

廿年蹤跡各西東，地角天涯路不同，腹有詩書能畫策，才兼文武乃

灌志文徵

卷十二 七言律詩下 五

從戎，旂裳並著千秋績，兄弟羣推百戰功，海島寇氛猶未息，漫云烏盡欲藏弓，

輓舅父郭南溪

楊 均

文星一墮萬人驚，休戚相關况舅甥，到老尙能償夙願，傳經猶復聚諸生，酒杯在手端嫌冷，詩卷盈箱也善鳴，記得新年同夜飲，百川還吸似長鯨，

題贈青雲營周丈

楊 均

人慕深山此宿儒，詩書啟後有良模，文章累代存鄉墨，樓閣全家在畫圖，繞宅稻梁紅葉襯，環牕島嶼白雲鋪，地靈人傑真堪仰，準擬他時一造廬，

自藍寇營中逃歸喜得應試

楊 均

一脫戎衣返故邱，試官來此切旁求，文場再到猶心喜，戰陣迴思亦淚流，入泮共推天有眼，逃營管夢鬼無頭，殺人不是平生嗜，且着藍衫蓋敝裘，

淨土寺

楊均

久別香臺漸老子，重來景物已非初，層層殿宇傾頽候，擾擾干戈戰伐餘，白髮倩僧談往事，青衫憐我讀殘書，前程似漆憑誰料，擬把升沈問太虛，

貞女詞

為潘氏女作

楊均

不為沽名到此來，般般心事費人猜，高堂有伴方能慰，後嗣無根劇可哀，門第代郎繇俎豆，冰霜看汝絕塵埃，奉親撫子惟安命，那計牌坊倚石堆，

灌志文徵

卷十二 七言律詩下 六

題鎮夷關

陸葆德宰灌時南橋落成演劇優人蕭霞亭能詩此其所作也

蕭霞亭

江上雄關枕石開，西風晚眺獨徘徊，亂峯疑弩穿雲出，巨浪驚雷捲地來，墨洒山城鴉萬點，銀翻沙浦蝶千堆，分明一軸倪迂畫，費盡思量買不回，

離堆懷古

黃春臺

離堆江水接天流，禹跡茫茫畫未周，絕代功名成父子，一朝報賽定春秋，秦碑埋沒生青草，湔堰潌洄起白漚，試向鬪雞臺上望，重重煙樹鎖平疇，

灌口

王再咸

筆粟城頭秋草荒，靖西關外月茫茫，桃花百尺崑崙水，金粟三生舍衛王，地上星河搖北斗，笛中楊柳唱西羌，時清風靜平安久，閒掛

雕弓看白狼，

謁杜光庭祠墓已爲山農所毀今歸士人聞將修復喜而賦此

徐 昱

杜老遺芳喜未空，買山節度慕高風，從來名士留千古，肯乞頑民讓
幾弓，碑沒墓田人指點，山藏遺稿字玲瓏，白雲溪水通冠蓋，仍見
華堂屈上公，

迴龍觀遇雨

徐 昱

何當舊雨有前盟，霧鎖名山乍失迎，一路青蒼添玉壘，六根色相淨
金觥，醒來塵夢仙壇隔，袖拂新秋冷意生，石定江邊驚夜柝，迴龍
吟興起濤聲，

夜雨宿普照庵

徐 昱

灌 志 文 徵

卷十二 七言律詩下 七

光陰彈指問前緣，杖策重遊十七年，老幹驕撐槐樹古，飛濤高瀉味
江懸，根塵未淨休逃世，衰病還思暫坐禪，到眼青葱真畫本，好將
着色付黃荃，

常道將故宅

徐 昱

秋雨莓苔數尺身，文章曾見百年人，曠懷兩晉衣冠盛，徧敘諸賢著
作新，室有遺書延後漢，碑留殘刻擬先秦，門前終古餘芳躅，彷彿
當年筆底春，

上皇觀

徐 昱

金華宮廢故基荒，訪古登臨謁上皇，十里澗聲嵐翠合，連峯峽影午
陰涼，紆迴勝境三溪引，蹀躞層巒一徑長，剩有鐵爐遺物在，老杉
無語峙崖旁，

步張敘棠司馬感懷原韻

張家驥

昔會長揖見公侯，曲罷雍門歷數秋，彈我鋏慙居下士，吹竽人自羨清流，十年飄泊誰青眼，兩字因循誤黑頭，杯酒借君澆壘塊，片帆天際暫勾留，

投筆誰封萬戶侯，嶙峋傲骨又經秋，功名有待無雙譜，志趣還爭第一流，少小漫勞誇燕頤，老成自古屬龍頭，摩挲寶劍頻思舞，炯炯寒光徹夜留，

答綿州陳經畬大令

王昌麟

年來臥病掩荆扉，寥落孤情與世違，鼙鼓聲中軍國建，風雲散後客星歸，蟻蟠東井猶爭桂，虎滿西山怯采薇，借問繇津通博士，天公有耳是耶非，

灌志文徵

卷十一 七言律詩下 八

戊子北上答教諭陳雲珊先生贈行步韻

王昌麟

游湘未了復游燕，名籍虛通弟子員，菊展秋心嘲醉帽，梅催春色上吟鞭，侯芭問字曾千里，趙篤橫經近七年，古義到今多未達，載書慚泛北征船，

乙未春晤茶關委員關仲詒於壽江

錢毓岷

寶蓋高張信有因，君家文筆更嶙峋，桂林枝折超羣彥，杏苑花探妙絕倫，昨歲分符登勝地，他年出治仰賢臣，即今習靜山中好，指點前村是老人，

和陳山銘明府留別原韻

錢毓岷

文章擲地作金聲，大器何須待晚成，政績昔曾通絕塞，仁風今日播編氓，種來菊徑陶彭澤，詠到梅花宋廣平，兩閱冰霜姿格峻，果然

真面有書生，

和陳仲筠留別原韻

錢毓岷

正直原宜掌率更，每因積弊定章程，鳳樓遺得甘棠愛，驛路傳來折柳情，鷹驥有時依紫極，割雞何處不蒼生，翱翔互換雙鳧舄，仙吏翩翩好訂盟，

送曾生傅潛

費萬雄

百年一日老懷中，尙憶程門立雪同，風雨至今悲往事，去來長此理詩筒，官真無味原如寄，書未成家不算工，爲語鵬城須暗記，文成吐鳳是揚雄，

送邑侯陳山銘

景澄清

又是花驄送別時，提封百里治芴絲，頭銜似我應仍舊，心跡如君更

灌志文徵

卷十二 七言律詩下 九

有誰，聽到雞聲猶起舞，奮來螳臂勉支持，留人處處青城色，奈此離亭長短枝，

灌江城下暫停鞭，劉寵居官選一錢，位列郡侯方百里，民依慈母未三年，却憐小草從風偃，此去新鶯出谷遷，尙待瓜期粗料理，歸裝猶伴鶴琴眠，

由上元宮之趙公山訪丈人村

黃合初

雲煙面面出層巒，結伴尋幽叩石壇，水送桃花溪幾曲，苔封石室路千盤，未逢茅許先心醉，欲仿荆關下筆難，咫尺會須凌絕頂，相逢一笑海天寬，

贈陳薌亭

田廷棟

南鄰北里自耕耘，屏絕塵埃祇有君，一片書聲供雅聽，四時花木吐清芬，竹籬茅舍成高隱，鳥瘦郊寒對夕曛，且莫啼煙兼泣露，蘭蓀

不日掇香芹，

送楊春臺之石泉

田廷棟

問字亭高載酒通，如君真可共詩同，文章有價能華國，蹤跡無端類轉蓬，萬里鄉心雞唱月，一鞭殘照馬嘶風，臨歧試問歸期話，桂子花香八月中，

賀楊春帆學生子

田廷棟

南宮八士古稱奇，達适開先喜不支，瑞旣徵蘭誰伯仲，兆能夢燕或雄雌，卽今綺戶成雙璧，憶昔鱣堂懍四知，自是君家多隱德，弄璋兩詠復何疑，

賀劉昂軒師登賢書

田廷棟

頻年落寞擁皋比，天意憐才尙未遲，郤喜興廉舉孝日，還當強仕服

灌志文徵

卷十二 七言律詩下 十

官時，桃花得地開千朶，桂子分香噴一枝，走馬西川看放榜，劉蕡今日始揚眉，

九日登龍山

陳雨田

紙帳愁眠已數朝，金龜畢竟解誰腰，但憑妙手酬詩韻，那得枯腸用酒澆，滿苑桂香徒杳杳，成堆蠟淚恨條條，龍頭地步旁人占，身外終嫌隔九霄，

九日登龍山

姚揮五

襟期敢不與人同，只恐敲來句未工，鳥道登臨詩客聚，龍山搖落酒徒雄，隨人倡和聯秋雨，笑我酩酊醉晚風，落帽年年成底事，珠花何日盡簪紅，

哭清河殉難諸人兄大烈弟大鏞叔政魁友高南樵僕某某

陳政典

刀光雪亮鼓聲闌，一隊旌旗骨肉團，叔姪還兼師友誼，弟兄都當主
臣觀，幕賓先仗龍韜策，健僕雄馳馬背鞍，蕩寇掃氛安有志，誓爲
厲鬼殺凶殘，

初傳捷報衆爭看，戰沒音來五內寒，一箇不逃真慷慨，重圍有夢尙
團團，爾從王事捐驅易，我作家書下筆難，淚洒天南鴻去杳，封函
依舊寫平安，

生離死別恨班班，十八年來滯一官，千里駒空留電影，兩行雁忽折
霜翰，權爲順變節哀易，照拂孤兒寡婦難，怪道宦場無蔗境，勾來
煩惱總多端，

河北豺狼掃未完，川西鼙鼓亦聲酸，老龍避亂知何地，爾輩捐軀尙
有棺，心緒愁傾千斛易，家書望比萬金難，蕩平有象開新運，輿櫬

灌志文徵

卷十二 七言律詩下 十一

還鄉道路寬，

辛丑秋晤孝廉周壽臣於導江欣悉椿園明府起居賦詩志慕

陳政典

名駒又向灌江遊，父老歡迎問故侯，萬里浪看宗慤破，一株棠感召
公留，長生共祝蜚英館，勝蹟重興建福樓，厚德自然多厚蔭，芝蘭
玉樹滿階頭，

石犀有序

馬蓮舫

強夢圃司馬洵河，得二石獸，錫數十人力，方升岸，疑即秦時
故物，囑先君題跋，泐石上，江漲，仍沒於水，近復淘出，亦
奇蹟也。

奇語荒唐說鬥牛，化身從此鎮江流，未驚杜老提綱逸，猶愛秦官刻
石遒，風雨垂胡憐剝蝕，煙波掉尾任沈浮，先人題跋應留在，矯變

變依海岳樓，

鐵龜

馬蓮舫

錦城畫地說遺基，又到岷源問鐵龜，一吸西江奔浪盡，雙撐北斗怒潮移，洛書靈瑞昭千古，玉壘陳蹤驗幾時，穩守沙潭長厭勝，何如淮泗鎖支祁，

繩橋

馬蓮舫

汶江出峽勢難收，竹索編橋舊跡留，蛛網凌空牽百尺，龍梭刷影跨雙流，巖馬不類懸幢險，浪急何須渡筏愁，誰向門雞臺上望，天然海市蜃成樓，

書懷

馬蓮舫

老去鴻泥跡未休，飄然隨養采芝遊，兩年家住逍遙館，三度春歸海

灌志文徵

卷十一 七言律詩下 十一

岳樓，羈旅關河開府恨，江湖天地少陵愁，請纓有子聊堪慰，新得雙貂插上頭，

寄王孚廷

馬蓮舫

舊雨寥寥念夙因，白頭斜照海揚塵，他鄉浪跡相如老，平日交情與可親，想到鶴歸城郭變，別來鴻印雪泥陳，若令後代思先友，記在碑陰有幾人，

走馬坪懷古

宋南渡時姚平仲騎青驃入大面山殆指其事

蕭薦馨

參橫斗轉夜蕭蕭，走馬當時竟寂寥，一代英雄天地老，百年王氣歲華銷，雲留洞口樵夫臥，風度天心山鬼吽，祇有青峯顏不改，長懸明月照神霄，

登漢陽門城樓謁官胡二公祠

馬繼華

四極雲煙一望收，江邊不見舊時樓，紅羊劫後誰吹笛，黃鵠磯頭虜
繫舟，風會漸添中外感，興亡橫觸古今愁，人間難再逢方召，祠宇
低回涕淚稠，

一瓣心香數十秋，文章經濟兩相侔，登堂想見容人量，布署如規禦
敵籌，大廈支來非一木，長江到此匯羣流，禰衡黃祖同凋喪，空賸
青青鸚鵡洲，

使節當年領八州，網羅羣彥運奇猷，東連吳會成犄角，北望中原幾
部婁，水勢縱含三國恨，山容肯帶六朝羞，獨留靖節撐高尙，不墜
先人燕冀謀，

荆山衡嶽兩悠悠，千里提封似古不，騷客幾曾招隱士，書生竟可覓
封侯，近來鄂渚居中要，俯視金陵據上游，如此江山任糜爛，希文

灌志文徵

卷十一 七言律詩下 十三

空自切先憂，

和劉卓如留別原韻

馬繼華

秋深猶自戀齊紈，懷袖初違夢不安，海內有情多契闊，古來名下總
清寒，四方化洽歌廉易，萬里程遙借寇難，趁此餘閒堪把酒，拋將
時事只言歡，

灌縣

劉肇堂

邨筒飲罷又鳴騶，忽撲征塵古灌州，多少人家環水次，高低雉堞倚
山頭，千年勝蹟離堆在，五季繁華夕照收，獨有青城高不極，烟霞
晃朗豁雙眸，

步邑侯胡若川青城留別原韻

王昌南

漫云宦跡等輕漚，兩載琴堂惠政留，草偃驅龍民起頌，庭寬羅雀獄

空囚，恩同灌水深千尺，治本山陰第一流，解組忽攜琴鶴去，江頭紅葉不勝秋，

贈別邑侯陸以真夫子移篆巴江

王昌南

鸞掖聲華重帝鄉，偶權百里綰銅章，公庭鎮日巢烏雀，枳棘經年集鳳凰，來暮歌方傳玉壘，去思人又別河陽，惟留遺愛都江畔，夾岸棠陰萬樹桑，

重九日承卓堂見招偕蔡曲江謝海田諸公集飲其家借成二律索和

王昌南

錦城踏遍甫還鄉，雅約登高興倍狂，對菊有詩懷杜老，題糕無句笑劉郎，秋風大筆滕王閣，綠蠹黃花崔氏莊，爲語當筵諸賦客，莫將佳節負重陽，

灌志文徵

卷十二 七言律詩下 十四

贈別劉嵩生卸寨子坪汎事

王昌南

離合由來信有天，西風迎送恰經年，攀留莫遂雲霓望，贈別惟添翰墨緣，野戍山深羈驥足，高秋氣爽奮鳶肩，中宵幾度聞雞舞，莫讓前途早着鞭，

同張鳳梧董佐卿王舜卿登玉壘山

王昌南

玉壘高登第一峯，天人呖尺豁心胸，孤城俯瞰千重堞，峻嶺遙窺萬古松，絕塞橫空盤健鶴，長江跋浪走潛龍，詩成欲乞仙人和，掃石休教碧蘚封，

遊蟠龍山贈柏乾上人

王昌南

高凌天漢溯仙蹤，井絡西來第一峯，法苑傳燈人伴虎，名山駐足寺蟠龍，雲開淨地禪心寂，月照清池道味濃，妙趣個中誰領得，叢林

玄度喜相逢，

九日登黃龍岡同王晴川吳緯卿劉合浦萬虎臣諸人賦詩

王昌南

龍山挈伴共攀躋，直上青雲萬仞梯，菊釀頻斟煩道侶，棗饅預作賴山妻，秋風古刹留鴻跡，埜徑幽花襯馬蹄，勝節不徒誇勝會，忙看捷信報金泥，

己巳夏隨牛雪樵及諸同人遊青城方伯囑用前制軍蔣礪堂舊題青

城韻各賦

劉璞

上到青城喜欲顛，神臬建福果無邊，求仙未隔三千里，恨我遲來五十年，雅座清談頻莞爾，塵襟乍滌已超然，雲山小住何須買，六六峯高不論錢，

灌志文徵

卷十一 七言律詩下 十五

洞天第五許遨遊，快意看山莫便休，四界好峯剛對面，一輪孤月又當頭，藥鑪竟到純青候，菊酒還須大白浮，厭說塵寰惟有醉，漫將因果付糟邱，

和龍德青城卽景韻

劉璞

上清宮殿遠冥冥，峯崑高臺倍有靈，活潑仙心原潔白，長明燈火已純青，煙霞未必輸蓬島，雲海居然勝洞庭，清磬一聲無著處，丹光搖曳過山亭，

贈邑侯蔡公去任

陳上達

中郎世胃使人欽，攜伴公車鶴與琴，明鏡懸堂塵不染，冰壺在抱水難侵，萬民方效稱觴祝，一載頻聞奉檄臨，道左攀轅情未已，祀同秦守慰遐心，

遊靈巖寺

宋履中

名山遙踏幾重青，未入梵宮磬已聆，人到上方纔見佛，巖藏古刹久稱靈，棲霞嶺外龍飛雨，說法臺前虎聽經，袖滿雲烟遊未倦，晚瞻星斗入冥冥？

贈尹省齋

田嘉穀

十年鴻爪託交遊，逸致豪情迥不侔，爲聽絃歌來蜀國，却將膏雨灑江樓，經綸控御思張仲，磊落昂藏笑李侯，聞道潔行消息好，萬民攀送姓名留，

丁酉季春遊泉橋精舍

李問

曲徑通幽綠滿身，掃天萬竹遠鴛塵，茆亭恰好橫琴坐，翠羽相呼得食馴，洗耳片時聽說夢，信香三炷早通神，一篇大作論長恨，不讓

灌志文徵

卷十二 七言律詩下 十六

香山社裏人，

梳妝台

宋道衡

山掃娥眉月湧珠，美人遺跡企姑蘇，春風鸚鵡催羅襪，曉日龍蛇看繡襦，雲鬢影拖仙珮舞，花冠力軟侍兒扶，邇來台畔遺荒草，徒悵華清舊夢孤，

灌城

山春

西有離堆東太平，都江天塹少人行，穿垣水色流三洞，壓堞山光繞半城，儒學宮牆雙院接，縣衙詞訟兩河清，作官最是吳公好，終歲堂階草亂生，

兩番曾出鎮夷關，往復繩橋簸蕩間，一水緣分千里浪，雙眸青納萬重山，吟魂幾被江聲攪，酒興都隨俗慮刪，一病便教忘世味，家人

強說道途艱，

選拔將赴都門同人餞於二王廟賦此誌別

周盛典

年來意氣尚縱橫，北望燕臺且送行，殘照一鞭遊子影，春風十里故人情，龍頭未副平生願，蝸角先爭最小名，如此歡場猶別遠，那堪回首憶諸兄，

文字綢繆信有因，天涯蹤跡倍相親，酒逢餞別心先醉，交到忘形意最真，好勝未除名士習，放懷同飲玉壺春，秋高有約應攜手，都是長安得意人，

留題延生觀小堂

宋道誠

溪山愈好意無厭，上到巉崖第幾尖，深谷野禽毛羽怪，上方仙子鬢眉纖，不慚弄玉騎丹鳳，應逐嫦娥駕碧蟾，澗草巖花自無主，晚來

灌志文徵

卷十一 七言律詩下 十七

蝴蝶入疎簾，

賀周雅堂入詞林

宋樹森

穩步青雲羨此身，一朝騰達若天人，驂騑捷足開先路，雁隼凌風出遠塵，才子原來生羽翼，文章到處有精神，瓊林晏上宮花燦，映得緋袍著錦新，

代賈鏡亭道士和丁稚璜宮保謁二王廟感懷原韻

游 觀

鑿破鴻濛一竅通，千秋胙蟹報豐功，上瞻宸翰恩來北，下俯江流浪去東，秦代遺文規畫密，蜀邦美利古今同，蔚成天府心香祝，水遠山高造化窮，

奉和高城南師赴任廣東

謝奉揚

洞天深秀毓靈芝，獻到蓬瀛品更奇，萱老猶思依背久，雲行自愛出

山遲，三秋日陰葵心戀，百里雷行雨澤施，遠佇鯤鵬初到海，先聲定比鳳來儀。

輓曾暉山夫子

謝奉揚

木鐸聲銷二十年，春風桃李隔江天，空隨列宿歸星海，嘆息文昌去斗躔，兩送詩人題白玉，風流學士選青錢，蓉城寶貴聲華在，品似前朝李謫仙，

在蒲江學署遙祝母壽歎然於懷

楊楫

年年此日省慈顏，奉檄今朝隔遠關，蒲水岸頭思菽水，鶴山雲外想岷山，嘗羹漫說封人獻，戲綵空懷萊氏斑，昨夜夢聞機畔語，依稀猶在北堂間，

館中偶吟

郭仲達

灌志文徵

卷十二 七言律詩下 十八

半榻松風儼嘯歌，夜來如箭晝如梭，詩從靜處推敲徧，人到窮時閱歷多，屋矮慣聽飄瓦雨，書餘還救撲燈蛾，兒童漸長催儂老，迢遞光陰共墨磨，

感懷

郭仲達

書篋行囊共一肩，傍人門戶又經年，英雄眼底無三兩，壘塊胸中有萬千，莫向市朝爭得失，還從筆硯結因緣，鼠肝蟲臂隨天定，識破機關便坦然，

登青城絕頂宿常道觀

周振瓊

爲探勝境不辭慵，破露穿煙仗短筇，汗漫昔周巴子國，遨遊今識丈人峯，唐皇遺勅碑空在，楚客題詩墨尙濃，遙望西山渾莫辦，山頭時有白雲封，

雨後晴初酒意闌，天梯高處更追攀，千尋古木垂青靄，卅六奇峯擁翠鬢，極目平原如釜底，置身仙界已雲閒，河山不盡登臨感，通道何時控百蠻，

截刀崖

在邑西小鑿華山

陳大慶

不施椎鑿嶄然形，巧出天工似列屏，峭壁倒涵江面綠，高峯濃染佛頭青，珠泉如霰飛千點，石棧迷雲混六丁，料是削齊并翦快，蠶叢闕險幾時停，

何貞女詩

樂化戎

高堂勸嫁計殊非，飲泣長拖寸草暉，尸與韓憑悲合葬，年希荀采痛書扉，鴛鳴文梓腸先斷，蟲響荒臺夢欲飛，到底不忘慈母命，九原猶自凜無違，

灌志文徵

卷十二 七言律詩下

十九

何貞女詩

殷繩武

紅粉含愁永夜中，斷腸花落影怱怱，雉經慘澹孤帷月，蝶怨摧殘一笛風，心事祇應郎可識，姻緣不與世相同，鴛鴦化作墳前鳥，願向青山託始終，

喜梅隱見過偕遊青城

趙金鑑

蓬萊仙客冰雪容，舊雨遙尋曳短筇，爲愛梅花騎瘦鶴，特來沫水訪潛龍，天開碧嶂迎雙屐，人到青城第一峯，坐對虎欄嚼瓊蕊，萬山秀出綠芙蓉，

宿天師洞

趙金鑑

吟成拈斷數莖髭，雪冷風寒夜不知，木魅歸巢笑飛火，山魃倚壁悄聽詩，窗前落葉隨孤鳥，燈下窺人嚇老鴟，夢裏忽逢家太守，借來

飛劍斬蛟螭，

由擲筆槽至軒皇臺

趙金鑑

捫壁攀蘿撥莽榛，拿雲呵雪手爲皴，萬盤仄徑纔通鳥，一合斷崖欲
夾人，孤鶴墮煙山寂寂，側峯碍日石磷磷，暮茫四顧層霄迴，浩蕩
天風撼紫闥，

登第一峯觀日出

趙金鑑

曉日曛曛射劍眸，天風吹海碧雲收，誰將蓬島黃金橋，拋出龍宮赤
玉球，已斫扶桑空眼界，更無芥蒂到心頭，飄飄擬跨軒轅鶴，飛過
峨眉山一鉤，

題周子淵都督餘事吟

趙金鑑

上馬橫戈下馬詩，塞雲捲入暮笳吹，詞鋒掣海鯨應吼，筆陣生風虎

灌志文徵

卷十二 七言律詩下 二十

是癡，凱奏漢關歌敕勒，墨磨盾鼻唱燕支，夜聽祇許百靈在，風破
寒江簾外遲，

一卷風雲塞上歌，英雄餘事屬陰何，韻拈競病詩人少，魄入幽燕老
將多，鐵騎唱刀歸瀚海，冰天橫槩賦洮河，曲成未敢邀君顧，朔雪
吟鞍壘舊摩，

登混元頂

伍彝章

青鸞倒控躡飛霞，隱隱靈巖拂虎牙，三島劃開天偈仄，一拳飄墮石
父了，醉呵凍雪填瓊髓，唾落天風幻碧花，仙鶴歸來人已杳，山椒
萬點燦金沙，

青山常道觀

伍彝章

海陸傷心黯化煙，飽收風月入壺天，未尋石劍銷兵氣，先領瓊漿醉

法筵，鐵錯怕聞清將相，鎡藏來謁漢神仙，干戈欲定權誰授，高臥雲樓強息肩，

金丸巧避笑鴻冥，儼借名山作障屏，氣盛元龍心更赤，才逢司馬眼方青，仙人亦下塵凡榻，妙諦恆參橐籥扃，百八風光探不盡，又從松鶴問遐齡，

端午偕曾雲衢宿長生觀

羅縝綸

日來依舊扣關遲，亭午蒲觴信有之，仙到長生猶擾俗，客偕子固漫題詩，煙濃雲暗燒齋夜，人靜香溫對榻時，前度有懷今續詠，月明蘭室遂新思，

青城山

熊朝濱

山爲峯郭古來青，老樹當關畫亦扁，拔地一峯天半矗，知更小鳥夜

灌志文徵

卷十二 七言律詩下 廿一

深聽，蒼松翠柏曾如意，白石黃精可鍊形，乞借道書終卷讀，他年有約向山靈，

題青城圖

王雲棟

英光灑氣鬱青城，滿幅煙雲筆下生，香草不嫌幽谷冷，寒松尤愛洞天晴，孤峯突出羣巒妒，大壑奔流百派爭，最羨少文風致好，臥遊細數亂山橫，

遊青城

李篠康

走馬西來此大觀，萬峯青處一峯寒，登樓漫自同王粲，著屐何人識謝安，富貴浮雲今始覺，神仙都會再來難，生機樂意渾無盡，且向山頭數翠巒，

遊青城贈松遐道人

謝祚卿

撲面松風氣欲仙，一貞自守荷遐年，栽培得地根難腐，養晦深時節更堅，丁固中生勞我夢，子房千古戀師傅，世間多少長生果，收入青城顆顆圓，

遊青城贈至一道人

高漢升

超出紅塵已廿年，晚來枕石伴雲眠，神仙樂事詩三百，道德真詮字五千，閒向峯頭參妙諦，倦來洞外聽流泉，高山流水知音少，回首青城思渺然，

仲夏遊青城作

張錫光

好趁晴天作勝遊，山深五月氣含秋，雲橫樹杪峯如黛，雨過嵐光翠欲流，名利半生同夢鹿，興亡千古等浮鷗，愴懷試問青城外，別有桃源避世不，

灌志文徵

卷十二 七言律詩下

廿二

贈陳稼書

羅輯瑞

漫將文字話前因，大筆淋漓有幾人，此日丁寧官肺腑，頻年辛苦老頭巾，家傳本業勤耕稼，交到中年見性真，愧我無才稱學究，及門桃李笑芳春，

光緒乙酉季秋五日宿常道觀

易順鼎

少年遊屐徧峨岷，只負江山不負身，難學仙人忘甲子，尙憚騷客降庚申，掃除白髮三千丈，消受黃精五百春，我與石湖同一笑，青城峯上過生辰，

遊青城

張和廓

鳴鶴山人此靜修，何時仙去洞仍留，盤空樹色凌雲綠，繞院泉聲帶雨秋，卅六蓮峯開畫本，二三萍水恣遨遊，上清畢竟通天界，還擬

題詩到上頭，

青城懷古

高凌霄

丹巖何處訪寧封，亘古煙霞在眼中，石磴陰森盤曲道，琳宮孤峭入洪濛，仙人鶴影三聲笛，俗吏鴻泥半夜鐘，我欲乘風凌絕頂，白雲深鎖丈人峯，

重游青城

珍席贊

風塵碌碌廿餘年，身外浮雲已變遷，倦眼了觀新世界，幽蹤重覓舊林泉，朝陽洞古迎朝靄，大字崖虛帶暮煙，衆妙頻探欣尙健，何時久住訪真仙，

常道觀至朝陽洞望上清宮

宋育仁

洞天九室入雲峯，磴道千巖萬壑重，丹道別傳黃帝錄，翠微半隱上

灌志文徵

卷十一 七言律詩下 廿二

清鐘，筆槽石氣驚山鬼，黝潤松身伏螭龍，不道丈人兼五嶽，欲憑真宰與天通，

長生宮懷范賢

宋育仁

萬木陰陰夏氣涼，范賢與世久相忘，建標霞起旌飛閣，度壑鐘聲禮上方，天際真人參位業，山中宰相又祠堂，不知有魏無論晉，自寫玄文應帝王，

宿伏龍觀

宋育仁

昔聞今見離堆古，歸到江源悔昔游，萬里風濤浮海岸，十年煙雨上灘舟，坐看三峽連雲走，臥聽雙江急夜流，空廈明燈成夢醒，山青雲白自悠悠，

離堆

顏楷

神鬼人天灌口開，南流東折割爭迴，雙崖渴驥狂奔澗，一穴潛蛟怒轉雷，早計神州飢饉患，要輸天府棟梁材，山城倚角岷沱判，仙觀榕樓亦壯哉，

天師洞

顏楷

懸崖密洞接天庭，上相玄都啓玉扃，三十六峯山似蕊，千七百歲樹如屏，降魔提劍今何世，宿鳥敲魚應早醒，又說下山山霧起，東西南北正冥冥，

上清宮

顏楷

第一峯頭夏似秋，神完不碍雨中游，飛行絕迹千梯路，俯視平分百道流，底事空山馴虎豹，爾來大樹撼虬蟠，年年竹杖芒鞋客，窺得重霄秘冊不，

灌志文徵

卷十二 七言律詩下

廿四

游青城宿丈人觀

張繼

少年游屐徧峨眉，只負江山不負身，難學仙人忘甲子，尙憐騷客降庚寅，掃除白髮三千丈，消受黃金五百春，我與石湖同一笑，青城峯上過生辰，范石湖亦以生日宿此

游長生宮

張繼

巍然廟貌枕平川，千載高風仰范賢，此日衡茅無隱逸，當時蒲壁騁林泉，村圍綠樹松杉暗，山隱青城保障全，一樣功成名未朽，扁舟不泛五湖煙，

白秋海棠

蒲春華

蕭蕭梧葉下柴門，秋到牆陰玉滿盆，涼月晚煙催短夢，清砧怨留送離魂，妝成綽約嬌無語，褪卻胭脂淡有痕，最是相思難盡吐，西風

庭院又黃昏，

憶范長生

劉永芳

青城保障此棲遲，太古當年繪像遺，廟祀虛無山寂寂，干戈想像草離離，空遺舊壘尋前蹟，幸有高名俟後知，百戰談兵能退步，斯人畢竟有仙姿，

遊青城上清宮

朱源

巖葉青城萬象開，大山環抱小山來，漢唐勝蹟資遊覽，范寧高風許溯洄，上界誰憑芟草莽，清班引我到蓬萊，此行領袖羣仙去，不入丹青誓不回，

歲暮忽調任慶符行有日矣念此邦人士不忘賦詩留別

陳洪材

灌志文徵

卷十一 七言律詩下 廿五

匹馬蒲陽夜五更，左遷信忽遞郵程，漫天箕口思修省，直道人心見性情，官豈戀民因愛我，佛言今世即前生，慶山回首望三益，何日重來續舊盟，

九日偕同人爲上清之游

劉驥

萬山如簇白雲橫，中有高峯插太清，出峽滄江渺東去，高臺煙樹欲西傾，登臨未醉陶潛酒，聲欸如聞子晉笙，乘興還思探異蹟，飄然遯舉一身輕，

崇德廟災感賦

邢錦生

灌口靈祠謁已三，僅存危閣與天參，萬畦稻熟雲生野，五夜龍吟月滿潭，治水獨探神禹秘，量材翻覺暴秦諳，英雨颯颯空縈夢，惆悵詩人陸劍南，

赴灌縣葬仲華作此呈竹君親家

曾學傳

硯席書燈憶去年，靈巖今日樹芊芊，我來豈爲江山好，事變翻增兒女憐，自笑狂夫非落漠，浪言佳婿作神仙，天高收卻南園淚，玉壘峯頭月正圓，

留別灌城二首

劉建勛

一行作吏便終年，臥起黃梁熟飯天，春夢幻同浮泡影，秋心清抱出山泉，救時自分才多拙，折獄難言見不偏，法律未平民未靖，素餐羞誦伐檀篇，

秋風容易捲齊紈，心緒榮枯頗自安，入畫王嬙顏已老，處錐毛遂影先寒，居家慢道爲官好，養子方知作母難，去去不堪談往事，長歌何日再追歡，

灌志文徵

卷十二 七言律詩下 廿六

東蕭作霖

羅春恩

一春花事已成空，首夏清和大麥風，詩債難償無愈我，文壇奏捷孰如公，久深投契言宜盡，既屬知交道貴終，晴日雲天聊想望，伊人尙在湖洄中，

醉後寄賀慎之

羅春恩

年年不放酒杯空，萬事都將一醉中，齊物莊生容嘯傲，送窮韓子亦癡聾，幕天席地情何壯，取月拿雲技本工，獨上岷山看江水，興來還欲破長風，

衛貢三以文社見邀感而有作

羅春恩

攻玉他山感不休，爲君佳會且少留，古風宛在饒新意，今雨相逢憶舊遊，漫說交情同管鮑，敢誇詩思擬溫劉，金蘭自是文章結，祇惜

文章我未優，

繩橋

宋郁文

飛龍百尺破空來，幻作長虹跨水隈，萬古天風動鱗甲，一江風浪走霆雷，排雲忽訝千峯倒，倚檻真如四面開，知是西山修竹勁，漫誇舟楫擅長材，

哭楊春橋夫子

丁國仲

八年風雪倚門牆，絳帳恩深海共量，高矣若天洵可範，野哉如我亦升堂，叨承館穀分原憲，素有芳名號孟嘗，大德不堪回首憶，怎經血淚落千行，

丁儀弱冠幸知名，事事成全記得清，使我宗祧承兩姓，將師恩德佩三生，鎔金就範心應苦，飲水思源淚暗傾，只說啣環他日報，一籌

灌志文徵

卷十二 七言律詩下 廿七

未展倍傷情，

家風清白豈尋常，况復熙朝已表章，不識何人忘道德，居然倒戟向門牆，蜉蝣撼樹成遺憾，神鬼當空妙主張，此事泉台公莫憤，是非局外有評量，

寄懷朱善堂

丁國仲

記哭楊修一首詩，謂楊月樓交情從此重前期，君真獨得蘇韓筆，我愧輓諳競病詞，遠道音書時易隔，騷人心跡俗難知，郵籤特屈張夫子，

謂張仁山南望停雲繫所思，

得萬虎臣雲南書

丁國仲

近得滇南一紙書，故人消息慰蓬廬，陳琳阮瑀非難比，瘴雨蠻煙不易居，曲靖災氛厯念慮，宣威將帥幸吹噓，會須大展平戎策，佇看

相如駟馬車，

哭蘇漁村

丁國仲

歲月滔滔感逝波，思量老友已無多，憂危共值滄桑變，飲恨猶能且夕過，那料風烟去飄忽，方知泡影易消磨，無聊倚杖巡簷立，搔首蒼蒼喚奈何，

冬夜宴劉合浦家

丁國仲

功罪分明判我曹，愈能無用愈清高，難從世上收奇策，易向樽前作酒豪，鷗鴟風雲爭矯健，雞蟲得失太牢騷，年來放下因人念，用舍都宜志不撓，

周梓常明府創建茶神祠落成

劉家楨

未必黃金鑄伯熊，毀茶應笑太匆匆，一生嗜好酸醎外，萬古民夷樂

灌志文徵

卷十二 七言律詩下 廿八

利中，薄採旗槍供祀典，肅瞻廟貌溯神功，老人村裏吹幽會，祈報分途祭享同，

留別賈思徽

劉應奎

茫茫宇宙幾知音，始識荊州結契深，高上岷嶺君雅靜，誤游宦海我浮沈，隨身尙有雲中鶴，藏器應憐爨下琴，且俟上書辭職後，願偕隱遁入山林，

甲子元旦

王執中

甲子香焚午夜清，九州戰局幾時平，風雲變態陰陽舛，雨雪愆期節令更，漫說春光騰紫氣，深望膏澤潤蒼生，此間且幸山魃遠，戶戶休聞爆竹聲，

詠楊貞女

楊發

閨中人作井中人，不字真成不嫁身，肯以擇賢同德耀，擬將抱恨續靈均，完貞保樸原無愧，碎玉埋香信有神，濡首重泉仍未染，曇花應悟本來因，

偕楊蘭皋李新畚新道常觀

彭錫光

西風吹我上青城，雲影天光迭迸迎，一徑幽通凡境隔，兩橋高掛暮煙橫，洞中仙府蜚金奏，樹杪流泉漱石聲，爲語遊人莫輕去，朝晴日出看銅鉦，

龜山道學義山詩，載酒來遊喜故知，卅六峯撐圖畫本，千尋木老雪霜姿，雲藏帝子家何處，槽擲仙人筆亦奇，名勝於今傳漢代，手披苔蘚讀殘碑，

晤芴丈明軒

姚濱洪

灌志文徵

卷十二 七言律詩下

廿九

更漏頻催月正中，主賓相對話西東，縱橫時局乾坤小，睥睨文章海岳空，他日魚龍爭跋浪，高秋鴻鵠自凌風，須臾不敢忘天下，老幼安懷一樣同，

青城

劉咸榮

一帶縈紆曲徑長，青城環繞入仙鄉，幽閒鳥夢山花冷，蒼翠林容草木香，石上碑留唐歲月，洞中人想漢冠裳，高歌擲筆磴邊望，定有山靈笑我狂，

晴開半日趁天光，竹杖芒鞋自主張，峯好都從攢處秀，山深只惜去時忙，探奇不數麻姑井，攬勝如登選佛場，想見神仙正高會，懸崖如削石蒼蒼，